

PRO INAUGURATIONE STUDIORUM

*Oratio habita in Aedibus
Romanae Sapientiae*

XIV. Kal. Novemb. Anni cIo Io cc xxxvi.

A THOMA EMALDO J. U. PROFESSORE

EMINENTISS. AC REVERENDISS. CARD.

NERIO CORSINO

SS. D. N. CLEMENTIS XII.

FRATRIS FILIO.



R O M A E

EX TYPOGRAPHIA VATICANA

M. DCC. XXXVI

SUPERIORUM PERMISSU.

THE UNIVERSITY OF CHICAGO

DEPARTMENT OF THE HISTORY OF ARTS

CHICAGO, ILLINOIS

1911

THE UNIVERSITY OF CHICAGO

DEPARTMENT OF THE HISTORY OF ARTS

CHICAGO, ILLINOIS

1911

THE UNIVERSITY OF CHICAGO

DEPARTMENT OF THE HISTORY OF ARTS

CHICAGO, ILLINOIS

1911

THE UNIVERSITY OF CHICAGO

DEPARTMENT OF THE HISTORY OF ARTS

CHICAGO, ILLINOIS

1911

THE UNIVERSITY OF CHICAGO

DEPARTMENT OF THE HISTORY OF ARTS

CHICAGO, ILLINOIS

1911

(III)

EMINENTISS. AC REVERENDISS.
PRINCIPI.

THOMAS EMALDUS.



*Um aliqui ex Amicis
rogarent me, ut quam
habueram pro reno-
vatione Studiorum Orationem ex-
scriptam traderem, eo quod pleri-*

A 2

98

que tunc temporis rusticationis causa ab Urbe aberant, ut eis morem gererem satius duxi receptam tam heic, quam alibi consuetudinem imitari, ejusdemque publicum periculum facere. Quaerenti vero Patronum, cui inscriberetur, obtulit sese mihi Cardinalis amplissime summa humanitas, & singularis animi Tui benignitas, cui confidens, spero Te munusculum hoc, quale quale illud sit, non fore dedignaturum. Etenim si a magnis Principibus munera non ex rei pretio, sed ex animi affectu pensantur, a nemine certe gratius Tibi donum unquam poterit obvenire. Siquidem nemo est (confidenter dicam) qui prae me colat, atque observet egregias animi Tui dotes,

quas

*quas tamen silentio praeteribo , ne
 videar occasionem sumpsisse ad lau-
 dandum ; cum mihi dumtaxat pro-
 positum sit , obsequii mei , & grati
 animi specimen aliquod Tibi exhibe-
 re . Novi profecto virtutem Tuam ,
 quae aditus omnes inani commen-
 dationi , & gloriae semper prae-
 clusit ; magni enim , atque sapien-
 tis est animi gloriosas praedicatio-
 nes despicere , bonoque conscien-
 tiae testimonio laetari . Praeter-
 quamquod tale argumentum & vi-
 res superat meas , & longum nimis
 desideraret sermonem , quam qui
 brevi Epistola possit comprehendi :
 verum neque Epistola , neque Ora-
 tione est opus ; nam res tuas ge-
 stas Fama ubique percelebrat , mul-
 toque magis celebrabit imposter-*

rum . Illud tantummodo reticere nequaquam possum , quod etiam ab invitis benevolentiam extorquet , niveum videlicet candorem animi , incorruptam morum integritatem , & eximiam quamdam Tui , Tuaeque nobilissimae Domus in tanta Dignitate , atque Splendore Modestiam , & Comitatem ; quae nobis quidem omnibus admirationi est , futuris autem saeculis erit exemplo . Faxit Deus , ut Te diu nobis , & Reipublicae saluum , sospitemque conservet . Vale .

Romae Idibus Nov.



Upienti mihi intermissam Studiorum rationem pro mea facultate solenni hoc die revocare , animisque primum illum ardorem , quem ferialis ocii dulcedo restinguere solet , rursus injicere , venit in mentem intolerabilis quorundam Philosophorum in contemnendis legibus impudentia , ad quam retundendam publicam hanc adhortationem necessariam , perutilemque fore sum arbitratus . Obtinuit jamdiu apud veteres Protagorae , Transymachi , Pirrhoneisque sententia , qui Jus omne non in ratione , ac natura positum , sed in Hominum opinione , & Principis arbitrio fundatum existimabant , ea praesertim de causa , quod non idem apud omnes honestum reputaretur , & justum , neque eadem apud quoscumque Populos sanctae leges reperirentur ; quinimmo saepius contingeret , ut in una eademque Civitate quidquid hodie licitum erat , cras mutata lege injustum evaderet , & iniquum . Explosa jamdudum totius Graeciae suffragiis periculosa nimis opinio volitat modo per ora , & commentarios quorundam nostrae aetatis nebulonum , qui opinionum novitate abrepti , pessima dogmata ex Spinosae , & Hobbaei fontibus hauriunt , atque ad pestem bonis artibus inferendam , arcendosque a Jurisprudencia ingenuos literarum amatores apud incautam

venditant Juventutem . Eo enim nostrorum devenit calamitas temporum , ut videantur antiquis multo pejora : negabant illi palam Deum esse , & sicuti Mundum ex fortuita athomorum congerie conglutinatum putabant , sic quoque Justitiam ex opportunis ad Regum assentationem , & commodum placitis confici omnem arbitrabantur ; unde nihil mirum , si eorum ineptia despectui esset populis , atque ludibrio . At Recentiores nostri Deum quidem esse fatentur , sed eum vel tyrannidis insimulant , vel ociosum sibi spectatorem , atque errorum nostrorum irrisorem confingunt . Quod si mihi tanta vis esset , & copia dicendi , quantam & conspectus vester , & argumentum postulare videntur , gratularer maxime hodiernum illuxisse diem , quo istorum audaciam reprimere , & quidquid ornatissimis Adolescentibus fucum facere possit ; de medio tollere totis enitar viribus . Neque erit profecto cuicumque aliarum facultatum Patrono contemnendus hujus nostrae exercitationis fructus , si perniciofa haec disputatio , quae ad omnes quoque liberales artes solet diffluere , ex hoc sacratissimo loco ejicietur , exterminabitur . Ut vero voti mei compos existam ; utar primum auctoritate vestra , Illustrissimi Patres , qui in maximis Reipublicae negociis pertractandis ab aequo Naturae consilio , a certissimis divinarum , humanarumque rerum documentis sapientiam vestram desumitis ; utar praesentia vestra , Clarissimi Professores , qui non inanis , & vacuae , sed verae , solidaeque Philosophiae propugnatores estis ; utar denique facultate mihi in hoc florentissimo Musarum domicilio ad dicendum data , dum ostendero Jurisprudentiae principia pectoribus nostris adeo insita , atque defixa , ut non ab alio fonte , quam a Natura possint derivari . Quod si effecero , nemo sane tunc dubitabit , num a Philosophorum placitis , & Principum potestate Jus omne dependeat , num adeo verum sit vulgare illud ex Carneade , & Epicuro , quod tyrannidem potius , quam justam exprimit potestatem ,

Uti-

Utilitas ipsi prope mater, & aequi.

ita ut quam facile voluntas mutatur, eadem vicissitudine mutari possit lex, & norma vivendi. Erigite ergo animos A A. O O. nihil enim videtur optabilius cuiquam contingere posse, quam absconditum unumquemque in sinu suo Sapientiae thesaurum retere, qua nihil dulcius, nihil praestantius, nihil utilius.

Atque illud in primis mihi lactandum Jure video, quod non imperitae multitudini verba facienda sint, sed in excelsa hac Sapientiae acde, quo convenistis, praestantissimi Professores, quorum nempe disciplinas in hujus argumenti testimonium adferre potero: nam quotusquisque est vestrum, qui naturae, mentisque vires perscrutando, non intelligat humanam nationem ad disciplinas omnes formandas ducem fuisse, atque magistram. Fingenda sunt Poetarum, quae narrantur de Baccho, Osiride, & Mercurio, de Cerere, & Esculapio, aliisque artium Inventoribus: nemo unquam de Coelo elapsus, qui praecepta, & artes nobis adduceret: non ab Astro- rum cursu casu perspecto Astronomi, non a fortuitis morborum curationibus Medici, non a constituendis agrorum finibus Mathematici facti sunt, sed a Natura, quae capta ab externis rebus occasione, principia rerum animadvertere coepit, motusque corporum observando, eosdem referre ad aeternas, atque immutabiles veritates, in quibus nunquam falleretur. Quod si haec eadem nostra mens, & ratio aditum, atque viam munivit ad eas facultates comparandas, sine quibus Societas Hominum aliquando stetit, quaeque ad honestam, civilemque vitam, & si opportuna, minime tamen necessariae erant, quid dicendum erit de Jurisprudencia, & legibus, quarum dempto praesidio, nemo potuisset in humana societate versari, nemo ea sentire mutuae conversationis commoda, ad quae perquirenda providum hoc animal rationis plenum, atque consilii a Natura institutum est, atque proclive.

Multo enim antequam florerent Aegyptii , Phoenices , Chaldaei , quibus Astronomiae , Mathematicis , universaeque naturalis Philosophiae prima rudimenta referuntur accepta, Homines, qui

Volgivoغو vitam tractabant more ferarum ,

Nec commune bonum poterant spectare , nec ullis Lucr.

Moribus inter se scibant , nec legibus uti ,

in Urbes traductos fuisse novimus . Vetusissimum quoque illud de suavissimo Vate commentum, quo Amphionem ferunt cytharam quadam die modulatum saxa , & lapides ad Thebas aedificandas traxisse . Quid aliud erat Amphion , nisi Sapiens , qui non saxa , & lapides , sed homines rudes , & impolitos ad Thebas aedificandas , idest ad societatem formandam non cantus dulcedine , sed vera , solidaque utilitate proposita non hortabatur , sed pelliciebat , non vocabat , sed pertrahebat ; unde Venufinus ille Philosophus :

Silvestres Homines Sacer , Interpreterque Deorum

Caedibus , & victu foedos deterruit Orpheus ;

Diſtus ob id lenire tigres , rabidoſque leones .

Diſtus , & Amphion Thebae conditor Aris

Saxa movere ſono teſtudinis , & prece blanda

Ducere , quo vellet .

An vero credimus eo ſeſe recepiffe , ubi non coaceretur praedonum licentia , parentes , liberi , uxores ab impiorum nequitia non defenderentur ? An ea loca incoluiſſe , ubi neque fides in contractibus , neque in cuſtodiendis domus , & agri finibus ulla ſecuritas ? Excurrite veterum , recentiumque temporum hiftorias ; nulla unquam Societas ſine legibus ſtegit , nulla Civitas ſine ſanctionibus , nullus Populus ſine regimine , neque quempiam reperiri poſſe exiſtimo in humanis rebus adeo hoſpitem , & peregrinum , qui non intelligat vinculum Societatis , tranquillitatem Reipublicae pendere a legibus . Sunt enim , ut ait Cicero : *Fundamentum libertatis , ſons aequitatis , mens , & animus , & conſilium , & ſententia*

tia Civitatis posita in legibus, atque ut corpora nostra sine mente, sic Civitas sine lege, suis partibus, ut nervis, ac sanguine, & membris uti non potest. Cedo nunc: unde nam primi Societatum Authores Jurisprudentiam exscribere? Unde didicere? Quis tum Licurgus, Solon, Numa Pompilius tulerat legem? Quis de Jure responderat? Haec porro, haec eadem mens, & ratio, quam nos quoque sortiti sumus, eos hortabatur, atque monebat, quid sentiendum, agendumve foret ad honeste, sapienter, sancteque vivendum:

*. Fuit haec sapientia quondam Horat.
Publica privatis secernere, sacra profanis,
Concubitu prohibere vago, dare Jura maritis,
Oppida moliri, leges incidere ligno.*

Quo enim pacto res aliter fieri potuisset? Putas ne Sapientissimum Naturae Auctorem Deum, eumdemque veritatis amantissimum sempiternas nobis offudisse tenebras, atque inter inevitabiles errorum scopulos perpetuo agitare? Verum non aliter fieret; si indito nobis ab ipso Deo vehementi Societatis desiderio, juxta antiquissimum illud post primum Hominem conditum Divinae vocis Oraculum: *Non est bonum Hominem esse solum*, constitutisque in summa alienae operae, & auxilii indigentia (nemo enim sibi solus sufficere potest) non succendisset inde in animo quaedam lumina, quaedam cordibus nostris non insculpsisset leges, quibus, & Societatis continendae, & publicae tranquillitatis servandae rationem nosceremus. Quod si tantam, Deus bone, in Mathematica facultate colligimus veritatum segetem, quantam vix memoria possumus sustinere, & tamen nihil Mathematicis doctrinis cum Justitia commune; quanto magis credendum est nos minime errare in cognoscendis iis, quae ad honestam, sapientemque vitam sternere nobis viam videntur? Sed quid plura; quidnam sibi volunt, obsecro, intimi illi sensus, quos vel nolentes percipimus: consulat unusquisque se ipsum: erumpunt enim ex illis Naturae

latebris Divinae illae voces, quas etiam inviti audire cogimur, docent; hortantur, suadent, quid nobis, quid aliis debeamus. Una haec sufficiat pro omnibus: *Quod tibi non vis, alteri ne feceris*. Quae non scripta, sed nata lex, quam non didicimus, accepimus, legimus, verum ex Natura ipsa arripuimus, hausimus, expressimus, ad quam non docti, sed facti, non instituti, sed imbuti sumus; quapropter seipsum excruciare videtur animus, tunc cum aetuat, aut vehementi abreptus affectu in contraria dilabitur, sibi que illud Medae repetere. *Video meliora, proboque,*

Deteriora sequor.

Atque utinam, utinam ad hanc rationis regulam mores componeremus; non enim tot tricis, atque ambagibus Justitia, & Pax Reipublicae esset involuta, non ex hac aequi, bonique arte efficerent sibi quidam avaram verborum nundinationem, & vocabulorum aucupium ad evertendas fortunas Hominum, & patrimonia huc illuc pro arbitrio transferenda. Recurreret sane aurea illa felicissima aetas:

. *quae vindice nullo*

Sponte sua sine lege fidem, rectumque colebat.

Poenas, metusque aberant, nec verba minantis fixo Ovid.

Aere ligabantur, nec supplex turba timebat

Judicis ora sui, sed erant sine Iudice tuti.

cujus nimirum domina *Justitia Coelo missa cum Sancta Fide*

Terras regebat mitis, atque humanum genus. Senec.

Sed mihi nonnullos audire videor. Fuere quorundam populorum mores adeo immites, & barbari, nulla ut iis lo-
gum Sanctitas, nulla Justitia nata videretur. Furtum Sparta
praemio donatum: Connubia promiscua: Esus humanae
carnis apud Indos in deliciis erat: Senes apud Scythas ad le-
vandos senectutis languores interfecti: Rapinis multi, atque
internecionibus nunc quoque vitam agunt. Quid ergo narras
de ingenta nobis Justitia? Non illud mihi propositum est,

ut

(XIII)

ut vobis ostenderem quoscumque Homines ad naturalis Sapientiae normam vitam exigere, sed omnes debere, omnes posse; atque sibi animum adjungendo inventuros, unde Virtutum, & Jurisprudentiae praecepta derivent: quare quid ad rem nostram, si nonnulli libidinum aestu obcoecati cujuscumque generis Connubia admiserunt; si rerum cupiditate illecti implacabile bellum humano generi indixerunt, si Recti specie decepti latrocinium pro industria in pueris commendabant, satius ducebant Senes finire vitam, quam dolores inter, atque aegritudines saepius mori. Quid porro, si quis sibi sumpsisset probandum, sapientissimum Naturae Conditorum Deum corpora nostra ita conformasse, ut viderent oculi, audirent aures, olfacerent nares, nonne illum irrideremus, qui oculorum coecitatem, aurium furditatem, nervorum vitia huic sententiae opponeret; nonne innumerabilis eorum multitudo, qui a Mundi origine, ad hanc usque diem hujusmodi infirmitatibus laboraverunt, nihil penitus argumenti veritatem minueret? An fortassis beneficium illud altruum, quod Terrarum Orbem splendore suo alit, atque animat, an inquam non lucet, quod aliquis oculorum aciem concluderet, ut lumen ejus non videat? An ignis non ardet, eo quod aqua extinguitur; aqua non defluit, quod cursus ejus repagulis interruptitur, atque suspenditur. Idem, idem est profecto, si quis haec vitio dederit humanae rationi, quae tribuenda potius socordiae nostrae, nostrae iniquitati. Latet enim abdita pectoribus nostris immanis quaedam fera Bellua Virtutis, Sapientiaeque omnis fructus allucta depascere, quam mirum in modum sic exprimebat Claudianus:

*At sibi cuncta petens nil collatura cupido
In jecur, & tractus imos compulsa recessit,
Quae velut immanes referat dum Bellua rictus,
Expleri, pascique nequit: nunc verberare curas
Torquet avaritiae, stimulis nunc flagrat amorem,*

Nunc

*Nunc gaudet, nunc moesta manet, satiataque rursus
Exoritur, caesaque redit pollentius Hydra.*

Quam rem, dum sedulo apud me reputarem, rursus observata est animo maxima, Deus optime, tui Bonitas, atque Clementia, qui nempe talem Naturam nobis es impertitus, a qua Honestatis, & Iustitiae officia Jure reposceres. Quomodo autem, bone Deus, potuissent haec praestari a nobis, si perturbationes hujusmodi de tranquillo statu mentis dejicerent Hominem, si eo pacto, quo videmus in aegrotis obtenebrari aliquando mentem, lumenque rationis imminui ob vitiosos, atque corruptos humores, sic quoque ex hac corporis contagione rationis splendor obscuraretur. Nisi vero existimare velimus justissimum sceleris ultorem Deum jubere coecos, ut perdifficiles, & salubrosas vias insistant; captos membris, & omni motu corporis impeditos, ut surgant, & adversus hostem depugnent acriter. Erit ne quispiam, qui non dicam sapientiae, sed sanitatis aliquid habeat, & haec de summa Dei bonitate audeat affirmare! Quare Jure dicas cum Ambrosio: *Quod cupiditatis motibus imposuit regule mentis imperium Deus, ut omnes sensus, motusque hominis e us vigore, & potestate regerentur.* Quod nedum nobis, quibus lux verae Religionis affulget, sed etiam Philosophis, atque Paganis fuit plane perspectum. Unde Socrates, Pythagoras, Plato, coeterique, qui primum moralis Philosophiae studio se tradiderunt humanae mentis recessus certa spe penetrare sunt ausi, ibique praecepta bene vivendi, rei publicae administrandae diligenter investigabant. Ad hanc enim non fallaces sensuum illecebrae alliciunt, non blandae pertrahunt voluptates, non corporum venusta facies invitat, sed ipsa ipsa Naturae vox, atque consilium, verbo Deus ipse hortatur, atque inflammat. Quare vix vobis vitio dederim, sapientissimi Legumlatores, Minos, Charonda, Lycurge, Numa Pompili, si vestras leges, vestramque Philosophiam Diis referebatis acceptam: Divinum enim prorsus est,

est, atque immortale, quidquid Naturae vox, quam nec ambitio, nec cupiditas expresse, nobis sincere rogantibus praecipit. Quod si tantum profectum pollicentur sibi Adolescentes cordatis praeceptoribus ad erudiendum concediti, quanto majorem nobis polliceri debemus, si Naturae consilio nosmet erudiendos committamus: occurrunt saepe Jureconsulti in suorum studiorum ratione sese oblectantes, cum vel a Bartoli, vel a Cujacii schola egrediantur, paucos adhuc inveni, qui ab ipsam et ratione verae, solidaeque Jurisprudentiae principia se deprompsisse gloriantur, ut mihi videantur plerique exiguos rivulos consecrari, Sapientiae fontem negligere.

Igiturne (obmurmurabunt aliqui) tot annos in studio Jurisprudentiae more in scholis recepto frustra consumpsimus? Dicendumne laboriosissimis Jureconsultorum commentariis inutilem navasse operam, qui nihil a Natura petendum arbitrabamur? Magistra hac, quam tu proponis, nihil opportunius, nihil commodius? Semper nobiscum manet, peregrinatur, rusticatur, & tamen quamplurimi adeo rudes sunt, atque imperiti, ut Jurisprudentiam, neque a primo limine salutaverint. Siquis vestrum A.A. in hunc modum mecum ageret, quaeso in medium progrediatur, in arenam hodie mecum descendat; animum hunc ego rudem interpellavero; quod si ea non fateatur invitus, quae ipsum conficiant, turpiter causa cadere non erubescam. Tu ergo qui lucis hujus usura frueris, undenam hoc esse, quod habes, accepisti? Num te ipsum aliquando ex umbra, & nihilo eduxisti? Haud profecto! Vivis igitur, quia suprema quaedam te condidit causa, quod enim fortiri per te non poteras, per te ipsum conservare nequires. Venerari ergo fas est Conditorem, Servatoremque tuum, & reverenter colere quaecumque mandaverit; nam primum hoc humanae mentis monitum Divinum est, Divinumque Jus respicit, a quo Sapientiam omnem

exordiamur oportet; unde Cicero: *Nulla est natio tam immanis, & barbara, cujus mentem non imbuerit aliqua Deorum opinio*. Postquam cognovisti, quod esles, cogita nunc, obsecro, quid sis? Os enim, manus, & membra, quae vides, quaeque contrectas, exangue cadaver & ipsum habet. An est quidquam aliud in te absconditum, quod sensuum obtutus effugiat? Est, est profecto vis quaedam cogitans, quae sentit, intelligit, amat, odit, per quam loquimur, vivimus, movemur, quaeque nihil aliud est praeter id, quod nos ipsi sumus. Quidnam autem nos inter, & coetera animantia discriminis? Nam Maris, & Foeminae conjunctio, Liberorum procreatio, atque nutritio communia quidem cum Brutis videntur. At aliorum Societatem expetere, tranquillae, beataeque vitae desiderio incendi propria sunt Hominum: Bruta siquidem animalia perpetuum bellum exagitat; nulla aquaticis cum terrestribus concordia, nulla Volucrum cum Piscibus amicitia; Accipitrem timet, & fugit Columba; Agnum insequitur Lupus, & lacerat; Coete innumeros ejusdem domus socios, atque participes inglutiunt, & devorant. At neminem laedere, suum cuique tribuere, beneficiis sibi alios obstringere, a filiis ferre praesidium, atque levamen, nemo est Hominum, qui non noverit, qui non sentiat: Hinc virtutum laudes, & praemia; vitiorum poenae, atque vituperatio. Quod enim genus Hominum non comitatem, non gratum animum, & beneficii memorem diligit, quae natio maleficos, quae crudeles, quae ingratos non aspernatur, non odit. Praeterea circumspiciat unusquisque seipsum, & fateatur, num ea saltem, quae ad victum, & vestitum necessaria sunt, sibi solus poterit comparare: alii ex aliis vivimus, & quanto videntur aliqui opulentiores, tanto magis alienae sunt opis indigentiores. Quapropter inveni contraetus antiquissimi Juris-gentium dicti, quod omnium gentium in usu fuerint, sine quibus socialis vitae consuetudo periret. Fluunt ergo ex ipsa

Na-

(XVII)

Natura Jus Divinum, * atque Jus gentium, si tantummodo animadvertamus, & qui sumus, & unde sumus: videntur nunc, quoniam Orationis ratio sic postulat, quomodo ex eodem fonte Jus publicum, & privatum descendant. Cujas es rogo te? Romanus, an Atheniensis? Quicumque sis; iustae Dominationi obtemperandum: Principis tui reverenda majestas: Patriae tuae Jura, & fines custodiendi: si neque Rempublicam, quantum in te est, evertere, neque Hominum Societatem labefactare, neque tuae ipsius felicitati volueris adversari. Postquam enim ob nimiam multitudinem divisa fuerunt imperia, unaquaeque Provincia propria sibi Jura sancivit, Magistratus constituit, consuetudines admisit, ex quibus communi quadam necessitate effectum, ut oriretur Jus publicum; quo si non teneremur, heu quanta clades, quanta perniciēs! Quis Domum, & Patriam ab impetu hostium defenderet? Quis Magistratus, Legum vindices, & Sacerdotes haberet in pretio? Nullum esset tutum commercium; nulla certa dominatio; violarentur Legati; mœnia Urbis transcenderentur; spoliarentur delubra; Arae subverterentur; Justitia, & Pietas undequaque exularet. Tandem, ut finis sit, qua in Urbe es natus? Quibus cum Civibus tibi res est? Si Romanus: Patriam ergo Romanorum exerce potestatem; Romanorum solennibus matrimonium contrahe, Testamentum scribito; Romanis actionibus tua persequere. Quae enim majorum usus, & consuetudo firmavit; vel Princeps decreto suo sancivit, fundamenta sunt, quibus tranquillitas, bonumque Reipublicae superstruitur.

Cavete vero, ne hoc a me dictum putetis, perinde ac parvi faciam sapientissimos Legum Magistros, neque probem assiduam eorundem lectionem, cuique enim studioso semper auctor fui, & sum, ne praestantissimos eorum commentarios sibi e manibus patiatur excidere. Testor vos di-

* Hic non intelligimus illud Jus, quod Theologi Positivum vocant.

scipuli mei , num semper hortatus fuerim , ut Cujacium , Hottomanum , Duarenum , Alciatum , Bartolum quoque , Baldum , aliosque diurna , nocturnaue manu versaretis ; illud tamen monitos volui , ut non ab his Jurisprudentiae principia peterentur , sed a Natura : Ad rationis trutinam eorum perpendantur sententiae , auxilio sint quotiescumque agitur , vel de vocum intelligentia , vel de historia legum , & temporum , atque nos edoceant , quid tum esset in usu , qua de causa , cur nunc inoleverit : & similia : sed rationem statuamus nobis in exquirenda veritate ducem , atque magiltram : admittantur in consilium in maxima rerum obscuritate , in difficili legum versione , divisione , vel conjunctione , sed non ipsis ratio , humanumque turpiter mancipatum minuit ingenium .

Quae cum ita sint : videtis Auditores optimi , quam evidenter pateat Jus omne non in opinione , sed in Natura positum , neque tam facile pro arbitrio posse immutari . Leges enim etsi aliquando mutantur , eam tantum ob causam Jure mutantur , ob quam sancitae fuerunt : justam facit legem bonum , & tranquillitas Reipublicae , eadem ipsa quoque aliquando faciet injustam : quam rem , ut concludam utar verbis Valerii Tribuni Plebis apud Livium : *Ego quemadmodum his legibus , quae non in tempus aliquod , sed perpetuae utilitatis causa in aeternum latae sunt , nullam abrogari debere fateor , nisi quam aut usus coarguit , aut status aliquis Reipublicae inutilem fecit , sic quis tempora aliqua desiderarunt leges , ut ita dicam , & temporibus ipsis notabiles esse video , quae in pace latae sunt , plerumque bellum abrogat , quae in bello pax , ut in novis administratione alia in secunda , alia in adversa tempestate sunt usi .* Haec porro fuit illa Romanorum prudentia , qua partum bello Terrarum Orbis Imperium Juris communione , legumque maiestate continuerunt ; etenim si quam habet moralis Philosophia dignitatem , ea omnis in eorum Jurisprudentiam translata est , qui sicuti virtutibus ,
& ar-

& armis coeteris gentibus praestiterunt , sic multo magis sapientia , & legibus . Domuit virtus bellica Romanorum totum ferme Terrarum Orbem ; at eorum Jurisprudencia *Terrarum Orbem* , ut aiebat Vopiscus , *fecit esse Romanum* . Dederunt arma in eorum potestatem omnes ferme Mundi incolae subiectos , atque captivos ; fecerunt leges amplissimae hujus Urbis Cives , atque Custodes :

*Roma est in gremium victos , quae sola recepit , Claud.
Humanumque genus communi nomine fovit
Matris , non Dominae ritu , Civemque vocavit.
Quem domuit , nexuque pio longinqua revinxit ;
Hujus pacificis debemus moribus omnes ,
Quod veluti patriis regionibus utitur hospes ,
Quod cuncti Gens una sumus .*

Quamobrem evenire nunc etiam videmus , atque laetamur , quod nulli unquam genti contigisse memoriae proditum est ; ever-
sa siquidem Republica , & antiquo Terrarum Orbis Imperio , eorum tamen leges subsistunt adhuc , & pro sanctis habentur ab iisdem Populis , qui cladem Romano nomini inferentes , Romanorum tamen legibus parere maluerunt , quam suis imperare . Enimvero quidnam aliud sunt Romanorum Jura , nisi naturalis aequitas , sive illud immutabile Justum , & Bonum , quod inter omnes Homines ratio constituit , literis traditum , atque vulgatum , quod in eorum libris *Ratio scripta* saepius vocatur , cujus vim , & potestatem , aut sentire oportet , aut omnem penitus exuere humanitatem . Eja igitur , praestantissimi Adoluscentes , virtutum semina , quibus a Natura imbuti sumus , pravis moribus , falsisque opinionibus non conteramus . A rationis consilio neque hausti cum lacte Nutricis errores , neque Poetae , neque populus , & multitudo nos revocet . Ad coeteras vero publici , privatique Juris notiones quod attinet , laetamini vos ea in Urbe natos , in qua ex puris Romanorum Fontibus petendae sunt , quibus in primis cau-

cautum erat : *Ne civilis ratio naturalia Jura corrumpere* . Si
quid vero in rationis indagine perplexum , atque obscurum
appareat , vel propter varias sententias Hominum difficile , &
involutum , Gratiae Deo Optimo habendae sunt maximae ,
quod nos ea in Religione voluerit eductos , & altos , quae
quidquid ex imbecillitate nostra peccatum erit , emendat , &
corrigit , atque praesertim , quod tuo CLEMENS XII.
Justissimo sub regimine vivimus , cujus ad Thronum Pie-
tas , & Ratio tantum consiliariae , & adjutrices accedunt .
Dicebam .

